

UMSKAL raih tiga emas

► Kejohanan Sukan Staf Universiti Malaysia Sabah (SUKUMS) Ke-18 2019

UB 16-7-2019 A11
LABUAN: Kontinjen Universiti Malaysia Sabah, Kampus Antarabangsa Labuan (UMSKAL) berjaya meraih tiga pingat emas di Kejohanan Sukan Staf Universiti Malaysia Sabah (SUKUMS) Ke-18 2019 yang berlangsung di Kota Kinabalu pada 11-14 Julai lalu.

Pingat emas pertama diperolehi menerusi Mohd. Hatta Yunus dalam acara Petanque Individu Lelaki.

Naib johan dan ketiga masing-masing dimenangi pemain Twin Tower.

Emas kedua diraih pasukan Dart yang dibarisi Haji Jarim Duraman yang juga pengurus pasukan, Suharno Sutarno, Mohd Ali Kassim, Mohd Azibullah Ollah, Mohd Syahir Ikram Sawal dan Norpizan Norsan.

Tempat kedua Royal Esteem dan ketiga The Legend.

Gandingan mantap Che Din Md Salleh dan Farizah Ismail menceriaikan kem UMSKAL dengan membawa pulang



MOHD. Hatta Yunus (kanan) meraih pingat emas dalam acara Petanque Individu Lelaki.

emas ketiga menerusi acara Badminton Beregu Campuran yang diadakan di Gelanggang Badminton Yayasan Sabah.

Naib johan Ag Jamaludin Jumat dan Chong Li Tsu

(Royal Esteem) dan ketiga pasangan Mohd Said Mudji dan Surianah Mohd Kasumens (Super 9).

Kontinjen UMSKAL yang diketuai Ketua Kontinjen, Prof



GANDINGAN Che Din Md Salleh dan Farizah Ismail (kiri) membawa pulang emas menerusi acara Badminton Beregu Campuran.



ZAHRIANI (tengah) dan Prof Dr Murnizam (baju biru kiri) bersama atlet Kontinjen UMSKAL yang menyertai Kejohanan Sukan Staf Universiti Malaysia Sabah (SUKUMS) Ke-18 2019 di Kota Kinabalu pada 11-14 Julai lalu.

Madya Dr Geoffrey Harvey Tanakinjal dan Timbalannya, Zamri Mohamad Tuah turut memenangi 7 pingat perak menerusi acara Boling Berpasukan Wanita, Bola Tampar Wanita, Bola Tampar Pantai Wanita, Sepak Takraw Senior, Bola Tampar Pantai Lelaki, Ping Pong Beregu Lelaki dan Ping Pong Beregu Lelaki Veteran.

Empat pingat gangsa dimenangi ialah menerusi acara Bola Tampar Lelaki, Boling Individu Lelaki (Jasry Japar), Bola Jaring dan Tenis (Sharul Nizam).

Pengarah UMSKAL, Prof Dr Murnizam Haji Halik mengucapkan tahniah dan syabas kepada Kontinjen UMSKAL yang berjaya membawa balik tiga pingat emas, 7 perak dan 4 gangsa di kejohanan empat hari itu.

Katanya, selain meraih pingat, beliau berharap atlet dan pegawai dapat menjalinkan hubungan persahabatan dengan atlet kontinjen lain di Kota Kinabalu.

"Selain berjaya memenangi pingat, saya berharap menerusi kejohanan tersebut, atlet UMSKAL dapat mengekalkan persahabatan dengan atlet kontinjen lain sepanjang berada di Kota Kinabalu pada 11 hingga 14 Julai lalu,"katanya.

Sementara itu, Prof Madya Dr Geoffrey Harvey Tanakinjal



PEMAIN dart UMSKAL ceria memperoleh pingat emas di SUKUMS 2019.

mengucapkan terima kasih dan tahniah kepada semua atlet, urusetia, pasukan pentadbiran dan kenderaan UMSKAL yang memberikan sumbangan masing-masing sekaligus menjayakan SUKUMS 2019.

"Kejayaan pasukan UMSKAL adalah hasil kerjasama dan komitmen semua pihak. Saya berharap sikap yang ditunjukkan itu akan diteruskan pada masa akan datang,"katanya.

Sementara itu, Ketua

Sektor Sukan dan Rekreasi UMSKAL, Ahmad Fadly Abd Rahman berkata kontinjen UMSKAL menyertai acara bola sepak veteran, futsal senior, badminton, bola jaring, bola tampar lelaki dan wanita, petanque, bowling, karom, dart, golf, sepak takraw, ping pong dan bola tampar lelaki dan wanita serta tenis.

"Atlet UMSKAL juga turut memeriahkan acara Cabaran Ke Puncak dan pertandingan memancing di

UMS,"katanya.

Majlis perasmian SUKUMS 2019 disempurnakan oleh Pendaftar UMS, Zahriani Yusof @ Vina Joseph di Dewan Arena.

Manakala majlis pelepasan acara Cabaran Ke Puncak di Dataran Dewan Canselor oleh Pengarah UMSKAL, Prof Dr Murnizam Haji Halik yang mewakili Zahriani.

Turut hadir Pengarah Pusat Sukan UMS, Ahmadi Haji Nurdin.